

Yungzanh: Cuk Ceiz Angqhoh Sou Ndaej Lai

9 nyied 22 hauh, liggaueq dwg ngeihcibseiq ciethaiq ndawde “laebcou”, hix dwg daihsam gaiq “Cunghgoz nungzminz cietfungsou”, Yungzanh Yen Cangzanh Cin Anhningz Cunh Mbanjdabauz gyoengqvunz Myauzcuz cuk ceiz angqhoh sou ndaej lai. Ngoenz de, vunz Myauzcuz dangdieg daenj ndangdaenj ngoenzciet gyaeunde, aeu haeuxcid moq daeuj cuk ceiz, guh byasoemj, nohsoemj, nohlab daengj gigwn ndeigwn, guh ngaizdonq daizraez, angqhoh sou ndaej lai.

(Danz Gaijhingh/谭凯兴)

► Gyoengq beixnuengx Myauzcuz guhdoih cuk ceiz.



Sangswih Yen Banh Bansonlien Hong Minzcuz Cunghgyau Bi 2020

9 nyied 23 daengz 24 hauh, Sangswih Yen banh aenban sonlien hong minzcuz cunghgyau bi 2020. Baez sonlien neix roengzrengz bae gejdoug gij vah youqgaenj Siz Ginbingz cungsuhi gangj hong minzcuz cunghgyau caeuj gij cwngcwz vwnzen doxgyen. Gunh miz 198 bous daeuj sonlien, gyoengqde dwg ndaw yienh 8 aen yanghcin ndawde doengh boudaeuz guenj yiengh hong neix, gak cunh(segih) bous lienzhaeh minzcuz cunghgyau (cihsuh roxnaeuz cujyin), ndaw yienh 80 aen bumwnz ndawde doengh boudaeuz guenj yiengh hong neix.

(Lingz Yungzman/凌榕蔓)



▲ Yienhciengz baez sonlien neix.



▲ Doengzcaezyawj guhdoih hag.

Namzningz:

Vunz Siujsoq Minzcuz Ndaw Segih Maij Hag Vahbujdungh Caeuj Sawgun

Bonjbauq siusik (gicej Veiz Yingjcinh) “Cih ‘Cungh’ ndaw ‘Cunghvaz’, mbat bit daengj soh cunghgyang de aeu raiz lai raez di cij ndeiyawj, couh lumj dahsau daenj vaqdzangraez cij hawj ga raen lai raez……” “Mwh doxdongx yaek naeuz ‘mwngz ndei’, mwh doxiey yaek naeuz ‘baezlaeng raen’, yungh Vahveizvuzwj daeuj gangj couh-dwg……” 9 nyied 21 hauh lajbyonghngoenz, youq Namzningz Si Hwngzyangz Gaihdau Cunghvaz Cunghlu Segih ndaw funghranz hozdungsiz, 20 lai bous vunz Veizvuzwjczuz, Bouscuengh, Gingheuz, Mulaujcuz youq ndaw segih neix youq de, doxcomz giz ndeu, hwnj dangz suhfaz(raiz mauzbiz) caeuj hag Vahbujdungh, gyoengq daihhagseng gagnyienh fugsah daj Gvangjsih Minzcuz Dayoz daeuj de nyinhcaen hwnjdangz, lauxsae caeuj hagseng doxlwnz bous cam bous han, sing riu mbouj dingz mbouj duenh.

Sanglinz: Gyoengq Lauxcangh Ndaw Gyaayuz Dingh Daengz Hagdangz Vixinx Lauxsae Sonhag Cuengh Gun Song Saw Vah



▲ Gyoengq lauxcangh caeuj lauxsae naengh youq guhdoih doxyaeng baenzlawz guh engq ndei.

9 nyied 23 hauh lajbyonghngoenz, Gvangjsih Gyaayuz Dingh doengh bouscwngzyenz ndaw aendoih lauxcangh Cuengh Gun song saw vah de daengz Sanglinz Yen Muzsanh Yangh Minzcuz Yozyau vixinx lauxsae baenzlawz son' gyauq Cuengh Gun song saw vah. Aendoih lauxcangh caeuj boudaeuz, lauxsae Sawcuengh ndaw hagdangz neix naengh youq guhdoih doxyaeng, cam rox gij cingzgyang aen hagdangz neix son' gyauq Cuengh Gun song saw vah, caemhcai cingqngamj vixinx lauxsae guh ndei hong songgyauq Cuengh Gun song saw vah.

(Loz Ginjdaz/罗锦达)